

鶴慶縣志

卷二

卷二

建置志 丑部

城池 丑之二 官署 丑之三

自治機關 丑之三

學校機關 丑之四

國家財政公所 丑之五

地方財政公所 丑之六

驛遞 丑之七 郵局 丑之八

電局 丑之九 關汛 丑之十

鋪哨塘 丑之十一

津梁 丑之十二 街市 丑之十三

坊表 丑之十四

鶴慶縣志

鶴慶縣志卷二

建置志 丑部

城池 丑之一

官署 丑之二

自治機關 丑之三

學務機關 丑之四

國家財政公所 丑之五

地方財政公所 丑之六

驛遞 丑之七

郵局 丑

之八

電局 丑之九

關汛 丑之十

鋪哨塘 丑

之十一

津梁 丑之十二

街市 丑之十三

坊

表 丑之十四

城池 丑之一

鶴慶之有城自宋段氏始舊志云高惠直以其形如龜式謂之龜城然土而非磚元末盡圯明洪武十五年於舊址列排柵永樂元年指揮李成贊以磚石顧形式仍卑隘僅容戎伍又府治在城外非制嘉靖十九年知府周集始拓地重築磚城城週五里五分幾千丈高二丈二尺厚二丈南門月城週八

十丈高一丈四尺厚九尺三寸北門月城即舊城也

計為門四北曰鎮遠一名拱極門樓曰拱辰讓朝江陵蘇潤

北城樓望水有感詩云百尺樓頭眺一川蛟河豆隄

永瀾漫溪橋馬渡難通寺村團魚游莽放船千塚雄

牆停雨溜萬家鱗風濕炊烟桑田南曰威遠一名迎

滄海尋常事疏淪何人繼昔賢

恩門樓曰來薰東曰迎旭一名觀濶門樓曰啟陽西

曰望庚一名仰止門樓曰挹爽有大理李元陽昆明

程昱各為之記李元陽鶴慶軍民府城記滇之

之西北陞視他郡尤為要害而獨未之城嘉靖甲辰
蜀遂寧周公集以刑部郎來知府事撫顧山川
嘆曰郡而不城變誰與守會令巡中江王公按部至
止聞而壯之遂相與揣其高卑物其土方爰卜爰度
神人既協事期有成因為請於巡撫鍾祥劉公巡按
新城宋公僉曰宜城哉因馳奏上聞制許之於是城
役乃興至歲丁未而城成城週五里五分幾千丈高
二丈二尺基廣三丈跌石高五尺磚之駢比而厚者
為層六積累而高者為層四十有五土石內附倚以
為固城四門南有郭北因守禦舊城而門之若重關
焉門各為樓四角如之周廬二十有五敵台十塹廣
三文深丈五尺穴城跌以伾溝洫為石孔十二經紀
周密巨細畢張升其城也則石磴齟齬長堞馮馮西
南復西藩垣用興居者庇德行者頌能周公之始作

城基也掘地深五尺濶三丈許程以堅栗防蟻穴也
沉以巨石防潦洑也於是城砮末盈尺而山石為空
公帑未啟鑰也而私俸已盡此則公之求諸天慊諸
已而不以售之人者也然猶論說人殊估費中匱於
時則有巡撫仙居應公巡按蔚州郝公慈谿劉公主
張象論臨覈不浮伸縮補之獎勤激頽由是費乃用
裕徒傭勃然矣至如躬履其地繼視其事定章程度
規制酌財用書廩餼各殫智慮克成厥功則分守閩
中沈公常熟朱公南昌劉公兵憲進賢曾公宜賓卞
公分巡無錫安公其人也役也木劈勵鍛餽糧之
值以金數之至三萬幾千兩有奇用人之力以工數
之至百餘萬凡所以為守城之具無弗給焉夫見小
者隳大自私者鮮功是故勞惡其不已出也不必歸
已貨惡其棄於地也不必藏於已聖王之有府庫以

為民備也建侯置守以為民樂也今城以域民大政也邊防先務也諸公忘己之勞而歸功於郡守國家不愛其費而貽民以安其於為政之本末與其所先後皆得之矣在昔有周南仲城於朔方則致王命以贊其決仲山甫城於東方則有吉甫以推其賢是故下有赫赫之名未有不本於上之能容上有明明之功未有不由於下之克任愚也土著鄙人幸茲城於已有桑梓之庇竊有感於諸公協恭之美信無負於明命思有述以告後來會鶴之士君夫君者老不遠數百里至吾廬取文將刻之城隅以識歲月遂忘其蕪陋作鶴慶府城記諸有勩於城者載姓氏於碑陰施豈鶴慶軍民府城記大明御宇率土咸賓守在京師萬餘里北接吐蕃南連赤石順湖居左劍川居

右內屏中夏外控諸彝屹然為滇巨防蓋西北一重
鎮焉夷考其地古屬要荒漢稱靡莫歷唐迄元或詔
或路沿革靡常我朝洪武初始定府治統以土酋守
以禦所而設險之利規制猶疏謀統高隆創龜城於
宋指揮脫列伯帳廢址於今李成繼之贊以磚石而
卑隘狹陋僅容戎伍未足以壯觀而庇民也正統間
易以文職俾之司牧厥任既重選授匪輕間有賢良
亦著惠政然率皆慮無經遠事憚更張未有殊猷絕
績思患預防為小民建萬世之長策者嘉靖甲子遂
甯周侯集號半塘未守是邦至則約以裕民勸學興
禮均徭平賦開江益儲凡所云為必本之於仁出之
以誠居之以廉行之以敏於是察政之醞疵而弛張
之問民之利害而興除之權事之緩急而先後之已
復喟然曰郡攝邊隅地當要害而城郭不完其誰與

守予斯民之司牧也非予任之而誰也乃商之僚屬
下令於民周諮耆紳縫掖之英問闔閭長老之眾僉曰
侯誠愛我非便身圖舉欣欣然爭趨之而恐後議既
協侯因上其事於分巡王公惟賢王公韙之轉於鎮
守總兵沐公巡撫劉公巡按宋公以及布按諸公僉
曰是誠先務非時拙舉羸者遂合辭以請於朝下工
部議之大司空甘公嘉侯之能惠利於民也請如侯
議命既至則詎日鳩工計費興事辦方正位度地畧
基分財用程土石平板幹稱畚築量遠通具餼糧導
水泉仍溝洫以舊禦城為重關而新築四面東三百
一十四丈南一百六十丈四尺有奇西增三百一十
五丈北續如南增廣三十五丈周總幾千丈城基檣
石五尺城身甃磚數重創望樓以備觀瞻闢四門以
司啟閉警鋪鱗次於上而邏者有舍水洞通利於下

而流者無壅誠哉夷夏之大防西北之保障也是役也經始於甲辰年正月三日落成於丁未季冬工以數計者幾百萬銀以兩計者三萬一千有奇地取於間隙或需民之田廬則估其值償之益以遷修之費匠取招募不時之犒恤則捐已俸以佐之濟以措置之需借夫於鄰封之助役而境內民力得以更番費資於旁郡之通融而本府庫藏得以少給分理西埂屬之通守陳君琛而屬吏之良耆民之彥亦選委之至於經營區畫之方勸相督成之事則侯自任之而無所不用其情是故役繁而民不擾費巨而財不耗期定而功不隳微侯其孰能成之用是官府定而聽政有所繫宮定而肄習有方倉庫定而積儲有備士農工商各安其業父子兄弟夫婦各安其居其惠利之遺詎可不謂久遠哉郡之軍民慕侯之功欲勒貞

珉以永其績謀於鄉先生楊君懷玉楊君因其狀緘
幣遣生員田子貢朱子選不遠數千里請記於予予
惟春秋之義常事不書而城邢城虎之類則屢書之
凡所以謹大防重民力也是故易稱設險詩詠城齊
聖人皆有以取焉其不輕於守國用民如此然任天
下之事易成天下之事難不有仲山甫之賢以取信
於上下則或以為厲已或以為喜功而勞擾之謗興
阻撓之計作矣其孰與圖厥成惟侯以仁誠廉敏之
心建正大光明之業志在天下國家而不私於一己
計在久安長治而不期於旦夕是故令出而民從議
行而上獲一舉事而能孚眾志不五載而克奏膚功
也夫城成則一境安一境安則全省皆安朝廷無南
顧之憂矣其所係豈眇眇哉自今以始繼侯之來者
必思侯所以衛民之義而圖維厥終為軍將者必思

侯所以為我之意而勿隕厥緒無事則修其孝弟忠
信以全天顯之懿有事則習於干城腹心以保地險
之利則侯之所望於後人固有出於斯城之外者若
夫爵祿之晉名譽之光則上之所以待侯者分也宜
也或社而祀或尸而祝則下之所以報侯者情也亦
宜也侯何知焉惟黜庸丕冒於當時德澤覃延於後
裔俾天下後世咸仰之如山斗倚之如長城則予之
所望於侯尤有出於斯城之外有如吉甫者誦之以
鳴其盛而非予之所敢知也故環城有池廣一丈深
因楊君之請敢僭述以示來哲

五尺許南通黃龍潭西北通西龍潭東合流入漾弓
江萬曆二十八年知府祁汝東重加修濬更闢一門

於西偏以便民讓朝康熙二十九年總兵林葵知府

盧崇義同修雍正七年總兵南天祥知府姚應鶴重

修乾隆十六年地震傾圮知府董承燭重修乾隆三

十六年改府為州是為州城同治四年賊將劉誠鼎

陷北城牆州人撤觀音寺前照壁磚補之民國二年

改州為縣是為縣城

明郡人張時宜新城賦
帝之二紀兮攬方輿
山海之昇

惟皇

平思三五不常偶兮
迺與荒裔以安甯
錫策令于中
良之臣兮曰城鶴而衛君守民羗固獲夫修能兮如

蕙蒞以自隘泊早夜以惟寅兮擊宿莽而惕兢惟祈
靈修之好修兮不計匍匐之與晦明爰揣高卑而度
厚薄兮伋溝洫與役令書餽糧而察物土兮慮財用
之久近量事期而計丈數兮耒士成之擬議鳩元元
以合作兮溘風旋而雲集眾樂而競勸兮日見其尋
將而尺積伐礱石以禦衝兮指青霄以為堦糊頽壤
而飛文兮匝坎埃之委折迺殫硯以率岸兮奄爾其
閑閑而連連窮耕谷與巢岩兮編氓卉服之紛然望
百雉以安所止兮非復昔日澡次之相沿矗似長雲
之跨空兮夫固非可引索而猿升也隍君江漢之淵
寂兮又孰能侔而投鞭也剖藩籬而萬井一家兮覺
宇宙之廣大闢四門而採籬辟芷兮挹山川之勝概
其東則襟石寶而帶蛟河兮每對峙而俯流其西則
枕鹿池而瞰龍潭兮顧霞而而鷗浮南曙文山之微

茫兮江湖廊廟之長途北背雪山之皓皓皚皚兮文
身推髻之受呼歷秦漢及唐宋元兮為郡而為路豈
無金章魚袋之刺徽兮嗟誰肉食而為百世之雄圖
迨今蓋幾乎千秋兮遭克彛之交乎韋崢嶸於平原
廣敞兮環垌野以通衢樓閣翼翼兮豈惟黃金之據
漢魏也元菟歸歸兮羣鹿遊而食惠政也是謂卜澗
經以遐鼎兮績紀太常覽却月而長嘯兮猱獠用康
堤柳扶疎兮鸚鵡飛藏肝晚巉巖兮狐狸偃梁遠想
諸人遺芳兮仰城喉之巨膀崑崙翠珉兮述其美而
揄揚良史班馬兮筆之文章乾坤浩蕩兮與之無疆
慨昔金標與鐵柱兮瘴海至今猶不沒沒其人之赫
奕况我與樊侯而匹休兮載詠嵩高於無既吁嗟哉
蓋不獨城鶴之大務云爾也幾膏施衣被靡屯兮合
謳歌而鋪厲廼登城而吟曰雲縹渺兮燕山風思美

官署

人兮彼蠶叢經綸事業兮學門之功願修蘋藻兮騎鶴相從讓朝劍川諸生楊繼元春日登鶴城閣眺詩云閣倚高城夕照中烟花柳色望朦朧九千里外開疆域十八年來息戰攻新濬河流留政績縱觀山勢判民風水災兵氣都銷却四野於今樂歲豐

丑之二

縣行政公署

舊係知府署在南廂明洪

武十六年土同知高仲改建舊城之南歲久傾圮正統八年流官知府林邁節重建宏治間知府劉鈺建正衙後樓三楹名為安遠樓正德甲戌知府孫偉復